

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- दुनिया भरै च अज्ज 11मां अंतराष्ट्री योग दिवस पूरे जोश कन्नै मनाया जा'रदा ऐ। प्रधानमंत्री होरें विशाखापत्तनम च ढाई लक्ख शा मते लोकें कन्नै योग करियै योग दिवस मनाने च मुख्य दी अगुवाई कीती।
- देश-दुनिया आहले लेखा जम्मू संभाग च बी अज्ज योग ध्याड़ा जोश ते एकता दी भावना कन्नै मनाया जा'रदा ऐ। रक्षामंत्री राजनाथ सिंह होरें उधमपुर च फौज दी उत्तरी कमान च फौजी जवानें कन्नै योग कार्यक्रमै च हिस्सा लैता।
- रक्षामंत्री राजनाथ सिंह होरें आखेआ ऐ जे आपरेशन सिंदूर एह साबत करदा ऐ जे नमां भारत कदें बी आतंकवाद दा शिकार नेई बनोग।
- भारत नै ईरान दे मशहद थमां अपने बसनीकें गी सुरक्षित बचाइयै बाहर कड्डेआ ऐ। इंदे च जम्मू-कश्मीर दे बी 190 विद्यार्थी शामिल न।
- मुख्य सचिव अटल डुल्लु होरें मुबारक मंडी हैरीटेज सोसायटी जम्मू दे कार्यकारी मंडल दी 29मीं बैठक दी प्रधानता कीती।

<><><><><><>

PM Yoga

समूलची दुनिया च अज्ज पूरे जोश ते एकता दी भावना कन्नै योग सरबंधी 11मां अंतराष्ट्री ध्याड़ा मनाया जा'रदा ऐ। आलमी सतह दिए महत्वपूर्ण थाहरें थमां लेइयै मुकामी पार्के तोहड़ी अज्ज सब्भनं थाहरें पर लोक योग मुद्राएं दा अभ्यास करै करदे न। इस ब'रे अंतराष्ट्री योग दिवस दा विशे सार ऐ — इक धरती, इक सेहत लेई योग। प्रधानमंत्री नरेन्द्र मोदी होरें अज्ज अंतराष्ट्री योग दिवस मनाने च समूलचे मुख्य दी अगुवाई कीती। श्री मोदी होरें अज्ज बड्डलै आंध्र प्रदेश दे विशाखापत्तनम च ढाई लक्ख शा मते योग प्रेमिएं दे कन्नै योग दे बक्ख-बक्ख आसन कीते।

इस कार्यक्रम दा आयोजन विशाखापत्तनम दे आर.के. बीच थमां लेइयै भोगापुरम तगर दे 26 किलोमीटर लम्मे हिस्से च कीते गेआ। इस मौके पर बोलदे होई प्रधानमंत्री नरेन्द्र मोदी होरें आखेआ

<><><><><><>

JK Yoga

तोआई देश—दुनिया दे बक्ख—बक्ख हिस्सें आह्ला लेखा जम्मू संभाग च बी 11मां अंतर्राष्ट्री योग ध्याड़ा अज्ज पूरे जोश ते एकता दी भावना कन्नै मनाया जा'रदा ऐ। सार्वजनिक पार्क थमां लेइयै सरकारी दफतरें तगर च लोक खरी मती गिनतरी च किट्ठे होइयै योग अभ्यास करा'रदे न ते शारीरिक ते मानसिक तंदरुस्ती दा स्नेहा पूरी दुनिया तोहड़ी पुजाऽ करदे न। तोआई रक्षा मंत्री राजनाथ सिंह होरें अज्ज उधमपुर च फौज दी उत्तरी कमान दे सदर मुकाम च थेहारबंद बलें दे जवानें कन्नै योग कीता। इस मौके पर उ'नें शारीरिक ते मानसिक सेहत लेई योग दे महत्व पर लोऽ पांदे होई आखेआ जे इक सैनिक दे जीवन च योग दा महत्व होर बी बधी जंदा ऐ। राजनाथ सिंह होरें आखेआ

तोआई केन्द्री मंत्री डाक्टर जीतेन्द्र सिंह होरें बी उधमपुर च गै रामनगर आहले इन्डोर स्टेडियम च आयोजित योग कार्यक्रमै दी अगुवाई कीती। उधमपुर दिएं डिप्टी कमिशनर सलोनी राय, डीडीसी अध्यक्ष, मुकामी विधायक ते सरबंधत अधिकारिएं बी इस कार्यक्रमै च हिस्सा लैता। तोआई कैबिनेट मंत्री सतीश शर्मा होरें अज्ज जम्मू दे गुलशन ग्राउंड च आयोजित योग कार्यक्रम दी अगुवाई कीती।

<><><><><><>

LG Yoga Greetings

लेफ्टिनेंट गवर्नर मनोज सिन्हा होरें 11में अंतर्राष्ट्री योग दिवस दे मौके उप्पर सब्भनें गी मुबारकबाद दित्ती ऐ। उ'नें आखेआ ऐ जे इस ब'रे योग दिवस दा विशे—सार 'इक धरती—इक सेहत लेई योग' ऐ ते एह दुनिया भरै दे कल्याण प्रति प्रधानमंत्री नरेन्द्र मोदी हुं'दे नजरिये गी दर्शादा ऐ। एलजी होरें जोर देइयै आखेआ ऐ जे योग, दुनिया भरै गी भारत दी तरफा दित्ता गेदा इक अनमुल्ला तोहफा ऐ। श्री सिन्हा होरें सब्भनें गी गुजारिश कीती ऐ जे ओह इक तंदरुस्त जीवन शैली ते खुशहाल जम्मू—कश्मीर लेई योग गी अपने जीवन दा हिस्सा बनान।

<><><><><><>

Raksha Mantri Op Sindoor

रक्षा मंत्री राजनाथ सिंह होरें कल उधमपुर च फौज दी उत्तरी कमान दे हैडक्वार्टर च थेहारबंद बलें दे जवानें कन्नै गल्लबात करदे होई आपरेशन सिंदूर दे दरान बलें दी दलेरी दी बड़ी मती सराहना कीती। उ'नें आखेआ जे आपरेशन सिंदूर नै पूरी दुनिया गी एह सख्त संदेस देई दित्ता ऐ जे भारत नै पक्का धेइया करी लैते दा ऐ ते आतंकवाद दा जोआब पूरी ताकत ते रणनीति दे कन्नै दित्ती जाहग। आपरेशन सिंदूर गी, आतंकवादिएं ते उ'दे समर्थकें लेई इक चेतावनी करार दि'दे होई श्री सिंह होरें आखेआ जे आपरेशन सिंदूर गी हाल दी घड़ी रोकेआ गेदा ऐ पर एह खत्म नेई होए दा ऐ। इस मौके पर जवानें गी संबोधित करदे होई रक्षा मंत्री राजनाथ सिंह होरें आखेआ

<><><><><><>

Students Evacuated

भारत नै आपरेशन सिंधु दे तैहत ईरान दे मशहद थमां 290 भारतीय नागरिकें गी कामयाबी कन्नै मुख्य च वापस आहन्नेआ ऐ जिंदे च जम्मू कश्मीर दे 190 विद्यार्थी बी शामिल न। राजनयिक पासपोर्ट ते वीजा दे सचिव अरुण कुमार चटर्जी होरें आखेआ जे बाकी फसे दे भारतीयें गी घर आहन्ने दे जतन जारी न। आकाशवाणी समाचार कन्नै गल्ल करदे होई किश विद्यार्थिएंअपने अनुभव सांझे कहते ते आखेआ.....

एहदे अलावा तुर्कमेनिस्तान दे अशगाबात थमां इक बशेष डोआरी अज्ज बडलै नमीं दिल्ली पुज्जी, जेहदे कन्नै ईरान थमां परतोने आलें दी कुल गिनतरी बधियै 517 होई गेई ऐ। जम्मू कश्मीर सरकार ते समूलचे केन्द्र शासत प्रदेश च कड्डे गेदे लोकें गी उंदे सरबंघत जिले तगर सुरक्षत ते आरामदायक तरीके कन्नै पजाने आस्तै लाजमी सुविधाएं कन्नै लैस जेकेआरटीसी सुपर डिलक्स बसें दा प्रबंध कीते दा ऐ।

<><><><><><>

Dt CM-PWD

उपमुख्यमंत्री सुरिन्दर चौधरी होरें जंदे रोज लोक निर्माण मैहकमे दी इक व्यापक जायजा बैठक दी अध्यक्षता कीती। बैठक च नाबार्ड, पीएमजीएसवाई, सीआरआईएस ते पुले दे निर्माण सरबंघत योजनाएं दे तैहत जम्मू संभाग च विकास परियोजनाएं दी प्रगति पर ध्यान केन्द्रित कीता गेआ। बैठक च सरबंघत अधिकारिएं इनें जरूरी कम्में गी सबूरा करने दरान दरपेश चुनौतिएं गी उजागर करदे होई परियोजनाएं दी ताजा जानकारी सांझा कीती।

इक विस्तृत समीक्षा दे परैंत उपमुख्यमंत्री नै अधिकारिणं गी निर्देश दित्ते जे ओह सब्बने कम्मं दी प्रगति च तेजी आहन्नन तां जे सारे निर्धारत गुणवत्ता मानकें गी बनाई रखदे होई इनें कम्मं गी समें सिर सबूरा करना जकीनी बनाया जाई सकै ।

<><><><><><>

CS – Mubarak Mandi

मुख्य सचिव अटल डुल्लू होरें मुबारक मंडी हैरिटेज सोसायटी, जम्मू दी 29मीं कार्यकारिणी मंडल बैठक दी अगुवाई कीती। बैठक च डुल्लू होरें ऐतिहासक मुबारक मंडी परिसर रू बुनियादी ढांचे दे सुधार दी योजना दी समीक्षा कीती। सांस्कृतिक जीवतता ते सैलसफा दे समर्थ दे महत्व पर लोह पांदे होई मुख्य सचिव होरें संरक्षण दे जतनें च तेजी आहन्नने ते ब्हाल कीती गेदिणं इमारतें गी अजेबघरें, शैक्षणिक केन्द्रें ते कैफे च परतियै तैआर करने दे निर्देश दित्ते। प्रस्तावत परियोजनाएं च बहु-स्तरी पार्किंग सर्कुलर रोड गी जोड़ने आला इक नमां पुल, पीरखो थमां इक लंबत लिफ्ट ते सार्वजनिक निजी भागीदारी मॉडल दे तैहत किश प्रोजेक्ट शामिल न। मुख्य सचिव होरें मुबारक मंडी परिसर गी जम्मू च इक प्रमुख सांस्कृतिक ते सैलसफा आले थाहर दे रूपै च विकसित करने आस्तै नेड़में तालमेल आले जतनें दी जरूरतै पर जोर दित्ता।

<><><><><><>